

## بره الحدود

شعر

محمد رشاد

بره الحدود  
الطبعة الأولى : ٢٠٠٢  
صادر عن :  
فرع ثقافة الإسماعيلية

لوحة الغلاف للفنان / عوض الخولى



الهيئة العامة لقصور الثقافة  
إقليم القناة وسيناء الثقافي  
فرع ثقافة الإسماعيلية

## هيئة التحرير

مدير عام الثقافة

محمود المنير

الخدمات الثقافية

جيهان دياب

مدير التحرير التنفيذي

جمال حراجي

المستشارون :

- ١- عبد الحميد البسيوني
- ٢- أحمد علي مطاوع
- ٣- د/ عبد الرحيم محمد عبد الرحيم
- ٤- د/ طاهر محمد الهادي محمد
- ٥- د/ عبد اللطيف عبد القادر علي أبو بكر

المراجعة :

إبراهيم محمود - خالد صالح علي

الإهداء

إلى ..  
روح أمي العزيزة ..  
أبي ..  
زوجتي ..  
أولادي عمر وعبد الرحمن ..  
وكل من وقف إلى جوارى ..  
أهدي هذه القصائد .

محمد رشاد



أنا شاعر بفك الخط





أنا شاعر بفك الخط  
ولي قصيدة شيلاني في قلب ديوان  
وبحر قصيدتي ماله فنار  
ولاميّه ولا مرسى ولا قبطان  
ولا موجه بتعلي ف ربح  
ولا نوه تسيبني جريح  
ولا قارب يعوم بيّ  
ويرميني لأقرب شط  
ودا لإنى بفك الخط  
ولما حاولت إنى اقرا  
ف بحر هواكى يا شقره  
وقلت ف عينك أتهجى  
وأتمنى وأترجى  
وشوفتك همزه بين حرفين  
وعشقك زى حالة عين  
ف حزن وفرح بدمع  
ويوم تطفى ويوم تلمع

وأنا مجروح على الآخر  
وقلت لغيري أتأخر  
لقيت الآلهة وخداني  
على سكة وقدر مقسوم  
وزاد وقلت اليوم  
أتوب منك واغيب عنك  
وأنسى إنى عشقت البدر  
وبعد هواكى ما نسيته  
وخنت القلب وطويته  
لقتنى برجعك تانى  
ووقت ماكنت بتعبد  
ف ليلة قدر  
لقتيك واقفه قدامى  
كانك حلم في منامى  
وأنا بحلم أصلى الفجر

\*\*\*\*

حكاية الشيخ فريد



الشيخ غريب  
آية الزمن العجيب  
وبرغم كل الهم فيه  
تلقني ف بشاشته ونور عينه  
شيئ يعلن عن وجوده  
مايختلفش أثنين عليه  
وكتير وراه بيدبروا ويكبروا  
على ناس علينا اتكبروا واتجبروا  
والعنصريه ف دمهم  
فاكرين ماحدش زيهم  
مع إنا لو عدنا تاني لربنا  
لويوم جمعنا حبنا  
راح نبقى أحسن منهم  
لكننا صرنا في غاية الأمركه  
فخسرنا كل المعركه  
وماعدش لينا ف أرضنا شيء مننا  
أو من فصيلة دمننا

كل الرؤوس لابسـه البرانيـط الذهب  
كل الوشوش متلونـه  
بلون أغترابنا وبعـدنا ..

يا غلبنا

حتى الحروف بلسانك المعوج شمال  
تاهت عن النطق الصحيح

ولأننا ف حوار صريح

فالشيخ غريب هو اللى الباقي

من الصحابه المكرمين

وكلامه كله عن يقين

وزئير عناده فوق حدود المسأله

والمهزله هي إننا بنعتب عليه

ونقوله ليه ؟

مع إننا عارفين إجابة كل شيء

عن كل شيء

لكننا متكثفين ومكتثفين

جوانا ثورة ألف عام

طب ليه ننام  
وعيوننا تسهر تشتكى وجع الحدود  
الشيخ غريب جى الوجود  
حالف يرجع عهد أمجادنا اللي راح  
حالف ليرسم في السما مليون صباح  
كنا فيهم مستورين  
طب ليه نسيه لوحده يجمع شملنا  
يدفع ضريبة صمتنا  
يا ربنا  
أنهزمننا بدون مانعنا ع الجهاد  
ده لأننا شايلين سلاح مستوردينه بقمحنا  
فضرورى ببقى ضدنا  
ويارتنا نرجع تانى للزمن الجميل  
ونبتدى بعهد الرسول  
علشان نقول  
الشيخ غريب هو الوحيد اللي قرا  
كتاب الحياه

هو الوحيد اللى انتفض وقال لكل الدنيا لا  
الشيخ غريب الشيخ غريب  
لجلن يعود للقلب نبضه وبسمته  
هو النجاه

\*\*\*\*





إتغيرت في الملامح



ماتجر حيش  
قلبي اللي داق مر العذاب  
وانتى هنا وسط الزحام  
عائشة ف سلام  
وأنا بين حيطاني الضيقه  
مشتاق لحبل المشنقة  
بصرخ كثير  
وانده كثير  
لكن ندايا كان مجرد صوت أسير  
وصداه بيرجع م البيبان  
وبايده جبان  
اتغيرت في الملامح والعادات  
والوجنتين باشوا ف قنايه  
من الدموع  
وما بين جراح وصراع وجوع  
اتجمعت ف القلب أوجاع الحياه  
وأنا نفسي أه

أخطف عنيكى ونختفى في بحر الوجود  
ونعيش على حبة سنابل والعيدان  
راح تبقي ضله لعشنا الدافي الحنون  
ومابين عيونك والسما أرسم طيور  
تحرص هوانا من الضياع وقت الغيوم  
لكنى مقدرتش أقوم  
وانا بين سياج متحوط بعين الغزاه  
دا لأنى عثمان في النجاه  
مش في الهروب وأهرب لفين  
وكلاب بلاننا الماجورين  
مترشقين عند الحدود  
لكنى برضه ف يوم هاعود  
لجلن أشيك بين عيونى الدبلانين  
واحلف يمين  
إنك يا قلبى جوّه قلبى  
ونور عنيكى لؤلؤة فوق الجبين

\*\*\*\*

حلم ليلة زفافه



هزمتي في القلب العفى كل الفروع  
وما عدشى باقى من القدر  
غير حبتين  
ممدود عروقههم في الوريد  
وبشوق عنيد  
شدبت على حبل الوفا مليون رباط  
لجلن تكونى قُريبه  
وما فيش شيطان  
يفصل ما بينى وبين عيونك ف اللقا  
يا لؤلؤه  
ليه تهجرينى  
وتشتهي نار البعاد  
ليه تقطعى حبل المودة ف دور عناد  
وانا منيتى أفرح وأدندن بالغنا  
ف ليلة زفاف  
وأرقص على حبل الهوا  
زي النسيم

وأدور أجيلك لجل أشيلك  
وابتدى بيكي الطواف  
يا كعبة الحب الشريف  
ياضلتى ف زمن الخريف  
من يوم فراقك  
والسما لابسہ الحداد  
والكون ده بعدك كوم رماد  
وانا لسه بشرب من هواكي  
نشوة النزع الأخير  
والروح على أمل الوصال  
بده ينول نظرة رضا  
ف عنين جمال  
لكنى ماقدرتش أداوم ع الحنين  
ودليل براءتك والزمن  
كان رافض إنك تعرفي  
إجابة السؤال

\*\*\*\*





صورة لإحسانا القديم



راحت ليالي الصيف وفرقنا الشتاء  
ولقنتي بحصد من هواكى  
سنين عجاف .. وبدون زفاف  
مات الحنين تحت الغطا  
أصل القلوب متكلفته بتوب الفراق  
والحلم نايم ع الجليد  
بده يعيد لحظة وفاق  
متسجله ف حفلة سمر  
وأدى القمر  
مخنوق ببصرخ ف السحاب  
وما بين عيونك والضباب  
رحلة غموض  
وايدى بترسم ع القزاز  
صوره لإحساسنا القديم  
خلتني بتذكر ف شكلك والمطر  
لحظة ما كنا بنحنمي بين البيوت .  
وطيور عذارى ع الشجر

كانت بتسمع همسنا  
غنيت براءة حبنا  
ومازلت بوصف فيكي  
لولاد الحلال  
فاكرك نوال  
من يوم ما كنت بتضحكي  
ف وش الزمن  
وأديني بدفع ف التمن  
سنين كتيره اتفرقت على ناس كتير  
لكن الحصاد كان يدوبك  
نظرتين من نور عنيك المدهشه  
وبعد ما ماتت مشاعري بدون هلاك  
شوقتك هناك  
لساكي ساكنه ف بالطو مدفوع الإيجار  
ويقلبي نايم ع الرصيف  
أحلم بأيام الدفا ..

\*\*\*\*

لسانی برسہ ضیگتک



متهنزنيش من فرع شجرتنا القديم

خايف ليسقط فوق دماغك

كوم تراب

فيغيرك لون الحياه

ونقوم نحضر للسفر قبل الأوان

رحلتنا كانت متعبه

وبعد ما يرتاح لقانا من الفراق

ألقاكي حامل ف كتابين

وانا لسه ماكتبتش كتاب

وخداني حالة الاكتئاب

ومابين حقيقتك والدجل

مشوار كبير

مليت أنا من كل أحلام الصغار

وأديني طالع للقمر

بجناح هزيل

يمكن تكون الضحكه

آخر رحلتى في وشي العجوز

وبدون شذوذ معرفش ليه  
ف عنيكى بنت اتو حمت  
علي صورة ليا بدون فلاش  
وانا عمرى كان مرهون فدا مترين قماش  
واجنده صفرة بدون تاريخ  
قبل الميلاد  
كان كل شيء رايح بعيد  
لهلال مهاجر ع الدوام  
شدي الحزام  
واطوعي لقلبي اللي عاند يوم هواه  
يمكن بابيك تعرفي أنا أصلي إيه  
وانا لسه برسم ضحكك وسط السراب  
وبدون عتاب كان غصب عني  
أهجر هواكي واودعك  
من يوم ما كنتى بتتدهى  
حبي اللي غاب.

\*\*\*\*\*



مش بخاطرک



حبك مش بخاطرك  
وقلبي حب قلبك  
ده لأنك كنتى قدرى  
ولأنى كنت قدرك  
وانتى اللى ساعيتى لى  
من غير ما أسعى إليكى  
وانتى اللى حلمتى بى  
من غير ما أعشق عنيكى  
مانكرش إنك جميله  
وجمالك زاد عنيه  
ما انكرش إنى بحبك  
والقلب لما حبك  
من كتر ما داب ف حبك  
اتوجع م الأسيه  
أنا هنسى إنك بديتى  
ولقلبي ف يوم جريتى  
لكن ما اقدرش أنسى

قلبك على قلبي بأسى  
وبعد ما كنت حلمك  
أكون لعبة ف إيديكى  
ولا هندم إني بعثك  
وإنك أثرتى فيا  
لكن ندمي الحقيقي  
إني عرفتكَ حقيقى  
وحبك رغم أنفي  
وعد ومكتوب عليا.

\*\*\*\*

كبر منك



أيه هيهماك  
لو ناس قامت أو ناس قعدت  
كل الأحلام عنك بعدت  
وانت الباقي ف ذكرى الماضى  
والحاضر عنك مش راضى  
كبر مخك  
وأرجع تانى لحضن الدنيا  
سيبك من برج السرطان  
وأرجع تانى لبرج الدلو  
تلقى حياتك أجمل غنوه  
والناس يوم عن يوم تحلو

\*\*\*\*





جنود بتسجد للوثن

كنت بحلم بالأمانى  
رغم إحساسى اللى شاب  
برسم الأحلام فى قلبى  
زى ما يقول الكتاب  
ولقيت على باب الوطن  
جنود بتسجد للوثن  
ونخيل بيكره ف التراب  
وتراب بيتمنى الأصيل  
ولكل جيل اتنين عساكر  
مرسومين على باب حديد  
إيه الجديد غير الحصار  
والخوف بيحضن ف السكوت  
ولأنك الرافض تموت  
فالنسر عاشق جنتك  
يا غربتك  
وسط القلوب الميتة  
والقلب الأخضر والربيع

رغم الصقيع  
حالف ليقتل ف الشتاء  
ويشد حيله بخطوتين  
لجل م يدوب الجليد  
ويعود من الزمن البعيد  
ثورة جهاد  
وطوفان عناد  
مع ناس بئتمنى الحياه  
لكنهم ..  
بيموتوا عند ف عمرهم  
بيموتوا عند ف .....

\*\*\*\*



مقاطع



ورغم إنى غريب في دارك  
بتحرق عطشان بنارك  
عمرى مافكرت اسبيك  
كنت دائماً قيس حبيبك  
وانتى ليلي بتاخذنى  
في ليل هواها  
لجل أبقى في شوق ونشوى  
كل ما أشرب من غناها

\*\*\*

مش مهم تكون برىء  
مش مهم تكون مسالم  
المهم تكون جرىء  
لما يطلعك دانىء  
ميتربى تربية عوالم

\*\*\*\*

مكتوب لى أحبك واتهنى  
يا حوريه وطالعه من الجنه

والصوت النعسان لشفافيك  
خلاني أدندن وأنا شافيك  
زي فراشه حوالين قلبي  
بتلاعبه وتلاعب في مشاعره  
واما الشوق هدهدها شويه  
طلبت منه شربة ميه  
ونامت على أنغامه وشعره

\*\*\*\*\*

عارفك ولا مش عارفك  
ها تفرق إيه انا معايا  
ما دام القلب مش طالبك  
ومش ماشي على دربك  
أشيلك ليه في جوايا

\*\*\*\*\*

جمعتك جمع مذكر سالم  
بعد ماكنت يا دوب تكسير  
ولما نفتنى من الاعراب



عن الاعراب  
ولقيتك ضمه مابتضمش  
فتحة بتحضن كل غريب  
شديت نفسى كتير ع الآخر  
لكن نظرتى فيك كسرتنى  
لما لقيتك رد سكون

\*\*\*\*

با لأمانى يا حنانى  
قلبي حبك وف ثوانى  
ياللى شهد الحب منك  
له حلاوه وطعم تانى  
سحر عينك نور جبينك  
شمس طالعاه من عرينك  
ياللى حسنك فاق وعدى  
قلبي عندك راح وهدى  
من حرارة شوقى ليكى  
نمت باحضن في المخده

بالعند فيهم راح تعيش  
وهانشتهى حلم الصغار  
ويعود حنين اللى اختشوا  
واللى ارتشوا  
راح يغرقوا في حضن الدولار  
ومحبك هتكون حمام  
رافض ينام  
على غصن مش ممكن يكون  
غصن الزيتون  
اللى بناه مستر غراب

\*\*\*\*\*

بالعند فيهم راح تكون انت الشهيد  
وانت اللى ليك كل الحياه  
خليك مداوم ع الصلاه  
وارجع خليفه مطرحك  
ولا يجرحك ..  
غربان بتصرخ ع الشجر

وانت اللى مالك  
كل اسواق البشر  
وانت الوريث المنتظر  
بعد الهلاك ما يكون نهاية كل شيء  
هانكون بدايه كل شيء

\*\*\*

عصفور على غصن الحياه  
كاتب رساله صغيره  
ولأنه عارف مستواه عند البشر  
قلبه انفطر

وقبل ماينول المنى  
ويعيش على أمله الكبير  
جاله الحجر

يفصل دماغه عن الوتر  
والناس بتضحك والنواح  
عتم على ورق الشجر

\*\*\*

يا حبيبتي نفسي مرة تسمعيني  
وتسبيني .. أغزل الأشواق في قلبي .. بدون مناهده  
وابقي ردي بعد ما يسكت حنيني .. بكلمه واحده  
كلمه معناها احتويني  
يا حبيبتي والقدر بينك وبينى  
نفسه يسمع كلمه منك  
بده يعرف حاجه عنك  
صدقيني يا حبيبتي أنا قلبي صادق  
أيوه صادق  
بس مش عارف أعبر فاعذريني

\*\*\*\*

ابعد فؤادك عن عنيك  
الدنيا راح تضحك عليك  
وان قلبك المشغول هناك .. عاند هواك  
اجمع خيوط الحلم والامل الجميل .. خليك دليل  
ده انت اللي باقي من الزمن  
والعمر بعدك مستحيل

وف عزّ أحلامي  
اللى طارت للنسيم  
بصيت قصادي لقيت غشيم  
بيهرّنى هزة خريف  
بده يوقع كل أوراقى اعتراف  
والقلب خاف  
بس العناد كان عادته فيا  
من زمان  
ولكرهى إنى أكون جبان  
لملمت كل جراءة القلب اللى مات  
وفضلت ساكت أيوه ساكت  
لجل مايدوق الغشيم مر السكات

\*\*\*\*

بحبك من غير ما نقولى  
مش عارف بحبك ليه  
أمال يا حبيبتي أما نقولى  
وتمحى فضولى

يا حبيبتي لما تبقي تكلميني  
حطى عينك جوه عيني  
واساليني ازاي هواك  
وانتي كنتي بعيد هناك  
رق لي وخذ حنيني

\*\*\*\*

النجمة قالت للقمر  
العب بعيد  
شوف حد غيري يصدقك  
لو كنت فعلا راح تقيد  
لو كان ضيا نورك أكيد  
قرب وناري هاتحرقك

\*\*\*\*

تحت الكافور وف ليل هاتور  
مشتاق أنا لنسمة ربيع  
ولإني مخنوق ف السكون  
مليت أكون

والروح بتنده للهوا  
والعمر بين سطرين جمال  
واخذك سؤال جايبك سؤال  
ليه تهجريني وتشتي حزن الرمال  
والكون ده بعدك كوم خراب  
وخريف بيسرق في الورق

\*\*\*\*\*

هو ده حال اللي رافض  
إنه يقول صح ونعم  
متحرمه عليه الحياه  
بس الحياه مش ملك حد  
والموت بجد  
راح يبقى راحه للي ما سمعني الكلام

\*\*\*\*\*

ورصيف لوكانده للغلابه الحيرانين  
والرمل كان ليهم لحاف  
وسنين عجاف وعمود منور

بس نوره أكبر عدو بيكشفه  
ف عيون كلابنا الشمتانين  
بس الشجر حاول كثير إنه يداريه

\*\*\*\*

"شارون" يا كلب العجم  
مساكين جنودك دول  
بجم  
جايين يموتوا ف ساحة الأقصى الشريف  
وما فيش شريف  
يقدر يفرط ف الحرم

\*\*\*\*

اعذرني يا باشا وصدقني  
مش هاقدر م اليوم ده أطايطي  
ولا أكسب عطفك وانترجي  
ولا هاعمل لسيادتك ضجه  
أصل حقيقتي جنابك واطي...

\*\*\*\*



صدقيني يا حبيبتي مش حقيقي  
إني أتوه عنك وأنا راسمك طريقتي  
والحنين ممدود ف عينك سكتي  
ومحبك كانت ف حزني ووجدتي  
أملتي وصدقتي .

\*\*\*\*



قندیل و لازم ینطقی



الدور عليك  
قنديل ولازم تتطفئ  
وانت اللي كنت كثير منور  
ف الليالي المعتمه  
وبيسألوك ليه انت بس  
اللي واخذها معنا جد  
ليه انت من دون الغلابه  
اللي بتضحك ضدنا  
يا عشك ال مليون جراد  
حتى السطوح  
في حصار وجايب للسما  
وشهيقك المخنوق سكات  
داخل معاه اتنين عساكر ع الدوام  
بيفتشوا عن كل حته في جنتك  
يا غربتك  
مجروح لحد الشرنقه  
والروح دواها المشنقه

هايهمك ليه لو مت مره لو كثير  
ما الكل عايش بيبك لسير  
لساك بتصرخ جوه قلب المحكمه  
والقاضي مش باصمض عليك  
ياحظك المربوط بدم اللي اتقتل  
والبصمه كانت للشيطان  
مقصود

تكون كبش الفدا  
فالكل صبحم أنبيا  
وانت اللي وحدك متهم  
وانت اللي وحدك .....

\*\*\*\*

سهران بشاور للنجوم





كان القمر بيداعب الليل الحزين  
وأنا جى شايلى حصتى عن كل يوم  
سهران بشاور للنجوم  
وكفوف إيديا التعبانيين  
بيودعوا غصن السلام  
وكتير حمام  
رافض يعشش في الغصون  
وماعدش بيحب الغنا  
ولأنى عارف علتة  
سبته يطير  
هديت أنا الوهم الجميل  
فلقيت عويل  
عايم في دم اللي اختشو  
بده يخلي الدنيا دايماً ضدّهم  
بده يوقع كل عالي ف أرضهم  
كان نفسى أكون قارب نجاه  
أو عبد صالح للاله

لكنى ما قدرتش أكون  
حتى النشيد اللي حفظته م الصغر  
أصبح عجوز ما لهوش نفوذ  
وشيوخ بلدنا المأجورين  
باعو شقاننا وعمرنا  
ملعون أبوهم والخليج  
من غير ضجيج  
كان نقطه سودا في وشنا  
يا حظنا لسانا بندق في النمن  
مع إننا مش مديونين  
والكل واقف لجل يتفرج علينا  
والحد صاحي في القلوب الميته  
راح الشتا هل الشتا  
والأرض بتتاجي السحاب  
لكن السحاب معدش بيحب المطر  
\*\*\*\*\*



الليل بينده ذكريات



ياكل أب في كل بيت  
حوط على عش الصغار  
الموت بيسرح ف البشر  
زى الطوفان  
والخوف جبان  
كرباج بيمزع ف القلوب الميتة  
وانا اللي جى من الشتا  
بلعب مع طفلى اليتيم  
بلعب معاه  
لعبة الأب اللي بيودع ضناه  
وأنا كل دنبي إني حبيت الوطن  
وأدى الوطن حرمنى  
من نعمة صباه  
لكنى سايب دنيتى بشراع جديد  
يمكن يعافر في الحياه  
ابنى الصغير كل ما أتأمل عينيه  
ألقاها شعله في ثورة الجيل اللي جى

ولإنه حي ف قلب حي ونبضه حي  
رافض يكون لحظة ندم .. ف عيون أبوه  
والناس شافوه على قبر أمه  
كان بيكتب كلمتين  
كلمه بتشيك أيدين  
والثانيه رايحه لكل عين  
بتحرض الناس اللي نايمه ف السكات  
والليل بينده ذكريات  
جايه م الزمن البعيد  
والعمر شيك وبدون رصيد  
أوراقه من بنك الحياه  
والنبض جوه القلب  
من معنى الحياه  
فارجع لإبنك علمه  
إمتى يكون الموت قدر  
وإمتى يكون الموت حياه

\*\*\*\*

متشفرة كل الرموز





إياك تقول إن القمر  
قارب نجاه  
وانا لسه جي من القمر  
شاييل ريموت  
وبدوس على زرار الحياه  
القي البلاد متلونه بلون الغنا  
وبنات جمال متوزعين  
على اتش ون واتش تو  
والكون جابوه  
مرهون في شاشه صغيره  
بشعوب كثير متخبطه  
في صحن الفضاء  
والدش داير ع السطوح  
وبدون وضوح  
كل الملامح تايهه عنك  
في الوشوش  
تحت الرتوش

متعمقة كل الحقايق في الصور  
متشغره كل الرموز  
والصوت بيعلى فوق جراءة كلمتك  
والحلم طاير فوق عريش السلكتين  
بده يوقع كل طهر في جنتك  
بشيطان بيقتل فيك يوماتى  
بهجة الزمن الجميل  
وبرغم رفضك للى شافه  
قصاى عنك  
وانك المقصود تموت  
لساك متبب ف الريموت  
لساك.....

\*\*\*\*

لكن الأعلام خاتمتي



يا حبيبتي  
ودعت فيكي البكاره  
شمس أشواقنا الجميله  
والموده اللي خدتنا  
سنين طويله ..  
وعطر أحلام العذارى  
والحياء اللي ف عنيكى  
لما قالوا كتير عليكى  
انعدم جوه ف قلوبنا  
واتحرق زي السيجاره  
والعيون اللي ف حارتنا  
كل نظره شاردہ منها جرحتنا!  
واللسان على حد سيفه  
والكلام مسلول وكيفه  
تنزرع فينا المراره  
وكان منايا ياهوايا  
ولو دقيقه .....

تهمد الأحزان ف قلبي  
وأحزنك صافيه وبرئه  
لكن الأحلام خانتني  
والأمانى عذبتني  
لما شوفتك ع الحقيقه  
وانتى سحر الكون ف شعرك  
والكلام الحلو شعرك  
ده الشيطان من حبه فيكى  
سار بأشواقه ماليكى  
خلا كل الناس تشاغلوك  
خلا كلب الليل بجهلك  
يروى عطشه ويشتهيكي  
بس مين يقدر ينافسك  
وانتى راضيه وبابعه نفسك  
للى يدفع.....  
واللى ينفع.....  
واللى يقدر يشترىكي

ياللى داق الكل شهيك  
مستحيل أقدر أعاهدك  
وانتى قلبك مش أسيرك  
واخذه كل الدنيا طيرك  
حطه اسمك ويا رسمك  
وانتى غايبه عن ضميرك  
يا حبيبتي .....

وكل واحد بشوفها زيك  
بلعن الإحساس في قلبي  
وانى توهدت كثير في ضحك  
لكن اللى بيشفني غلى  
والعزاء اللى فاضللي  
إنى هحرق قلبي بيكى  
وانى أبداً مش راجعك.....

\*\*\*\*





عروس البحر

الشاطئ فرحان بوجودك  
والليل بينور من أسمك  
والموجه بتتمرجح ليكي  
نفسها فيكي  
مشتاقه تطبطب على جسمك  
إيه رأيك نطاوعها شويه  
بفلوكه على قدى وقديك  
ونعانده في شقاوة الميه  
وأطبع ميت تذكّار على خدك  
والقي عنيكى في قلب عنيه  
وأسرح فيكي وتسرحى فيا  
وتميلى حبه وأميل حبه  
وألح فيكى جراءة شابه  
عايزه نقولى بجد بحبك  
أيوه بحبك  
بس استنه وأصبر حبه  
ونفضل نجرى ونحكى

في شوقنا  
والشمس بتضحك من فوقنا  
وعند الليل مايمد خيوطه  
يفاجئنا البحر بجبروته  
فنعود تانى لحضن الرمله  
واكتبك على أرضها جملة  
أجمل جملة  
انى بحبك أيوه بحبك  
بس انا خايف إن شعورى  
يضيع ف الضلمه

\*\*\*\*



أرجع لحد الأربعين


يا مين يجيب الشمس  
من قلب السما  
قبل القمر  
ما يقول وداع  
ويكون صراع الكون  
في نجمه صغيره  
كانت في وقت من الزمن  
ملهاش وجود ...  
لكنها  
في ليل ظلام اللي اختشوا  
قدرت تعود ...  
وملامح الأرض  
اللي كانت ريف وبكر  
لساها حكر ...  
وخريطة العالم بتاج  
لأيدى بترسم ع المزاج  
وللمزاج

وحقيقة الوجدان ... سيات  
فازرع وجودك في المكان  
ارجع لحد الأربعين  
عد السنين  
شوف عدا فيهم كام نهار  
مع شمس رايحه  
وشمس جايه  
وشمس يخنقها الحصار  
ياللي انت واقف مطرحك  
سيب مطرحك  
ريح الخريف راح تخلعك  
من مضجعتك  
وعنيك هتتلف  
ع الورق  
دمع اتحرق  
لهلال يبصرخ ف السما  
لحظة طلوع الشمس

م الغرب الدنيا  
فارجع عنيد الحلم  
للزمن البريء  
رجع أدان الفجر  
للليل الغريب  
أزرع في قلب الخوف  
صليب  
وإياك تغيب  
وإياك نقول الشمس  
غابت ف الطريق  
الشمس غابت  
في الطريق...

\*\*\*\*





بجای قلبی



بحبك بس مش قادر  
أواصل حبي للآخر  
ولا أهرب من المكتوب  
وأحاييل قلبي إنه يتوب  
فلا قَدَم ولا اتأخر  
وساب أحلامي تتبخر  
ما بين ماضي مالوش ذكرى  
وبين حاضر رفض بكرة  
ويفضل حبنا حابر  
ما بين قلبك وبين قلبي  
يعاند فيه ويكابر  
ويتمنى الرضا ترضى  
لكتك بعثى أشواقي  
وهبتي القلب لفراقي  
وبعد ما قلبي داب في هواه  
وراح أملى وكنتى معاه

لَقِيَتْ حَبْكَ مَا هَوَّشَ بَاقِي

لَقِيَتْ حَبْكَ مَا هَوَّشَ بَاقِي

\*\*\*\*



مش مسامحك



مش مسامحك  
لو هتبقى لحد غيرى  
راجعى قلبك وارجعى  
لقدرى ومصيرى  
واسمعينى أنا لسه بتكلم وانادى  
اسمك المرسوم في قلبي  
ونور فؤادى  
وانقشينى ذكرى حلوه  
فوق جبينك  
ذكرى تفضل جوه عينى .. وجوه عينك  
وان لقيتى القلب دايب  
من حنينه  
مدى ايدك حطى ايدك  
فوق جبينه  
صدقينى أنا قلبي  
بيحبك وشارى  
راضى تبقي الجنه ليه

راضى تبقى الجنة ليه  
وتبقى ناري  
راضى تبقى العمر بجراحه وأنينه  
قارفعى عهد الجفا بينك وبينه  
يا منايا ولو في مره غبت عنى  
هاشعر انك من أسايا ضعتى منى  
وابقى كاره دنيتى  
وقدرى وسنينى  
واجرى أنده في الفضا إنك تجيى  
فاسمعى صرخة فؤادى  
وارجعينى  
مش مسامحك يا حبيتى  
أوعى تسبيبينى

\*\*\*\*\*



## الفهرس

٧	١. أنا شاعر بفك الخط .....
١١	٢. حكاية الشيخ غريب .....
١٧	٣. أتغيرت فى الملامح .....
٢١	٤. حلم ليلة زفاف .....
٢٥	٥. صورة لحساننا القديم .....
٢٩	٦. لسانى برسم ضحكك .....
٣٣	٧. مش بخاطرك .....
٣٧	٨. كبر مخك .....
٤١	٩. جنود بسجد للوثن .....
٤٥	١٠. مقاطع .....
٥٩	١١. قنديل ولازم ينطفئ .....
٦٣	١٢. سهران بشاور للنجوم .....
٦٧	١٣. الليل بينده زكريات .....
٧٥	١٤. لآكن الأحلام خانتنى .....
٧٨	١٥. متشفرة كل الرمزو .....
٨١	١٦. عروس البحر .....
٨٥	١٧. أرجع لحد الأربعين .....
٨٩	١٨. بحايل قلبي .....
٩٣	١٩. مش مسامحك .....

رقم الإيداع  
٢٠٠٢/٧٢٤٤





